



Fidoyilik —
Vatanga xizmat demak!

2024-yil 4-aprel, payshanba,
41 (23.918)-son

**KUN
HIKMATI**

Birovga
maslahat
berishdan avval
uni hurmat
qilishingiz kerak

1913-yil aprel oyidan chiqa boshlagan



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz

O'zbekiston Jahon savdo tashkilotiga a'zo bo'lish yo'lida dadil qadam qo'yimoqda

Samarqand shahrida Osiyo-Tinch okeani mintaqasi-da savdoni soddalashtirish masalalariga bag'ishlangan 11-forum (APTFF) o'tkazilmoqda. 2009-yildan beri Osiyo taraqqiyot banki (OTB) va Birlashgan Millatlar Tashkilotining Osiyo va Tinch okeani bo'yicha iqtisodiy va ijtimoiy komissiyasi (ESCAP) tomonidan o'tkazib kelinayotgan mazkur forum savdoni soddalashtirish yo'nalishida ilg'or tajriba va bilim almashish uchun asosiy mintaqaviy platforma hisoblanadi.



Bu galgi anjumanda dunyoning 30 dan ortiq davlatidan 250 dan ko'proq ishtirokchi, jumladan, o'ndan ortiq xalqaro tashkilot vakillari qatnashmoqda.

Forumning ochilish marosimida O'zbekiston Respublikasi Investitsiyalar, sanoat va savdo vaziri o'rinbosari Xurram Teshaboyev so'zga chiqib, mamlakatimizda innovatsion texnologiyalar va raqamlashtirish keng joriy etilayotgani, buning natijasida ishlab chiqarish va xalqaro savdo hajmi oshganini ta'kidladi. Tashqi bozorga chiqish yo'lidagi to'siqlarning bartaraf etilishi, valyuta bozorining liberallashtirilishi, 7 mingdan ortiq turdagi xomashyo va tovarlarga bojxona to'lovlarining bekor qilinishi natijasida tashqi savdo aylanmasi ikki baravar oshdi. Soliq yuki qariyb ikki baravar kamaytirildi, soliq ma'murchiligi soddalashtirildi, Markaziy Osiyo-dagi eng jozibador fiskal tizim yaratildi. Bu O'zbekistonning Jahon savdo tashkilotiga a'zo bo'lish yo'lidagi dadil qadamlaridir.

— Mamlakatimizda savdo tartib-taomillarini soddalashtirish maqsadida bojxona operatsiyalarining 90 foizidan ortig'i raqamlashtirildi, — deydi O'zbekiston Respublikasi Bojxona qo'mitasi mas'ul xodimi Shukurullo Mo'minov. — Xususan, tadbirkorlarga qulaylik yaratish maqsadida bojxona nazorati va rasmiylashtiruv jarayonlarida inson omilini sezilarli darajada qisqartirishga xizmat qilayotgan masofaviy elektron deklaratsiyalash bojxona postlari tashkil etildi.

Anjuman qatnashchilari biznes uchun qulay bo'lgan oraliq tariflardan foydalanish holda Markaziy Osiyoning transport salohiyatini oshirish, Osiyo-Tinch okeani mintaqasi, Janubiy Osiyo va Yaqin Sharq hamda Yevropa Ittifoqi bozorlariga chiqish bo'yicha yangi transport yo'laklarini qurish loyihalarini ilgari surish muhimligini ta'kidladilar.

Davlat xavfsizlik xizmati viloyat boshqarmasi boshlig'i A.Axmedov yoshlar muammolarini hal etish, takliflarini eshiti-sh maqsadida Oqdaryo va Bulung'ur tumanlarida "Rahbar va yoshlar uchrashuvi" o'tkazdi.

Sektor rahbarlari va mutasaddi tashkilotlar mas'ullari ishtirokida o'tkazilgan uchrashuvlarda 200 nafardan ziyod yoshlarning tadbirkorlik, ishga joylashish, sport bilan shug'ullanishi uchun sharoit yaratish, kitobxonlik va kompyuter savodxonligi masalalari yuzasidan murojaatlari eshitildi.

Oqdaryo tumanida o'tkazilgan uchrashuvda dastlab yoshlar ishlari agentligi tuman bo'limi boshlig'i Ma'rufxon Musayev o'tgan yilgi uchrashuvda yoshlarning 14 masala yuzasidan yo'llagan murojaati ijobiy hal etilganini ta'kidladi.

— Tumanimizda 35 ta mahalla bo'lib, ularda 14-30 yosh toifasida 41 ming nafar yosh istiqomat qiladi, — deydi M.Musayev. — Yil boshida o'tkazilgan xatlov natijasida og'ir toifadagi 929 nafar va ishsiz 1667 nafar yoshlar aniqlanib, ularning bandligini ta'minlash va kasb-hunarga o'qitish maqsadida sektor rahbarlari va huquq-tartibot idoralari mas'ullariga birlashtirildi. Shuningdek, 768 nafar migratsiyadagi yoshlar va ularning ota-onalari bilan uchrashuvlar o'tkazilmoqda. Yoshlarning ijtimoiy holatidan kelib chiqib, "Yoshlar daftari" shakllantirilgan va ularga tegishli tartibda yordam ko'rsatilmoqda.

Uchrashuvda oqdaryolik yoshlar asosan tadbirkorlik qilib faoliyatini kengaytirish, yer ajratish, sport maydonchalari qurish, o'quv markazlari ochish va ishga joylashish bo'yicha murojaat qildi.



Yoshlarning qanday muammolari bor?

Jumladan, Yangi qishloq mahallasida yashovchi Samandar Saydullayev "Kelajak kasblari" loyihasi doirasida to'y va marosimlarda xizmat ko'rsatish faoliyatini yo'lga qo'yib, to'rt kishini ish bilan ta'minlagani va ayni paytda media apparatlari kerakligi, shu bilan birga, mahallada nemis tili o'quv markazi ochishda yordam so'radi. Boshqarma boshlig'i ushbu masalada hokimlik va tegishli tashkilotlar hamkorligida yordam berilishini bildirdi.

Bulung'urda o'tkazilgan uchrashuvda ham yoshlarning murojaatlari bo'yicha chora-tadbirlar belgilanib, mas'ullar birlashtirildi. Xususan, Kildon mahallasi yoshlar yetakchisi Bekzod Lapasov Yangi ariq mahallasida yoshlar yetakchilari tomonidan «Yoshlar bog'i» tashkil etilgani, lekin sug'orish tizimi yo'qligi va bog' atrofini o'rashda yordam

so'radi. Tuman hokimi ushbu masala ko'rib chiqilib, muammo hal etilishini aytdi.

— O'tgan yilgi "Rahbar va yoshlar uchrashuvi"da o'quv markazini kengaytirish uchun imtiyozli kredit so'ragandim, — deydi Oqtepa mahallasida yashovchi Sojida Turdibekova. — Murojaatim hal etilib, kredit ajratildi va hozirda markazimizda 500 nafar yosh o'qimoqda. Endi yoshlar o'rtasida IT hamda kitobxonlikni rivojlantirish maqsadida tumandagi «Yangi O'zbekiston» massivida yengil konstruksiyali zamonaviy IT markaz hamda kutubxona tashkil qilmoqchimiz va buning uchun yer maydoni ajratilishida yordam so'radim. Mas'ullar loyihalarni ko'rib chiqib, yordam ko'rsatishini ma'lum qildi. Agar rejamiz amalga oshsa, yiliga 200 nafar-gacha yoshlar IT kasblarini o'rga-nadi.

Kichik Kildon mahallasida yashovchi Shokir Rahmatov yaqinda Rossiyadan qaytgani, hozirda ishsizligi va faoliyat boshlashi uchun motokultivator so'ragan bo'lsa, Yangiobod mahallasidan Otabek Mamasoliyev Koreyada tahsil olgach, tumanda o'quv markazi ochgani, yoshlarni ish bilan ta'minlagani hamda koreys, ingliz va rus tillarini mukammal bilishini aytib, faoliyatini kengaytirish uchun bo'sh bino so'radi. Murojaatlar yechimi yuzasidan DXX viloyat boshqarmasi va tuman hokimligi mas'ullari birlashtirildi.

Boshqarma boshlig'i uchrashuvga kelgan har bir yigit-qizni tinglab, ularni qiyinab kelayotgan muammolarga viloyat va tuman darajasidagi mas'ullar, tegishli idoralar bilan birgalikda yechim topilishini ma'lum qildi.

Fazliddin RO'ZIBOYEV.



TAYINLOV

Toxtayev Husan Mirzayevich - viloyat hokimining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha o'rinbosari vazifasiga tayinlandi. Mazkur tayinlovga qadar H.Toxtayev Yoshlar ishlari agentligi viloyat boshqarmasi boshlig'i lavozimida faoliyat olib borgan.

Aytishlaricha, Milliy gvardiyaning aralashuvi bilan maktablarda davomat ancha yaxshilanibdi.

Bu nimadan darak? Bu — bizning xo'jako'rsin yashaydigan xalq ekanimizdan dalo-lat beradi.

Biror-bir ezgu ishni ixtiyorimiz bilan emas, xo'jako'rsinga qilib o'rganib qolganimizni bildiradi. Bizni kimdir yelkamizga nuqib turishi kerak, hech o'zimizdan-o'zimiz bir ishni qilmaymiz.

Ta'limni-ku, qo'yaverasiz. Feysbukda bir jonkuyar opam "Bizda hamma narsa majburiy-a, hatto ta'lim ham..." degan og'riqli post qoldiribdi. Ha, bizda ta'lim majburiy. Majburiy ham bo'lmasin-chi, necha foiz odam bolasini o'qitar ekan? 60 foizga bormas, deb o'ylayman. Bizda ota-onalar farzandining maktabni bitirishini orziqib kutadi-ku, oliy ma'lumotli yoki professional kasb-hunar egallashi uchun emas, tezroq bitirsa-yu, o'ris-gami, karisgami, Amerikagami ishga jo'natvorsa.

Biz hamma narsaga tayyormiz, hatto yetti yot begonalarning yurtida itboqarlik qilishga ham rozimiz, faqat bir sharti bor — o'qimasak bo'ldi.

Birov bizni ilm olishga, ta'limga

Faqat bitta sharti bor...



majburlamasa, o'qi, darsingni qil, uyga vazifalarni bajar, demasa. Ilmdan qulog'imiz tinch bo'lsa, bas — qolgan hamma mushkulotga rozimiz.

Pul berib, O'rol tog'larini ketmon bilan qo'poringlar, desa, qo'poramiz. Lokomotiv kech qolyapti, shu 30 ta vagonni tortib, depoga kirgizib beringlar, desa, urinib ko'radiganlar topiladi,

faqat ular bir ish bilan bezovta qilinmasa bo'ldi — o'qishmasa, qo'lga kitob tutqazib qo'yilmasa, bas.

Maktabdan, kasb-hunar kollejlari, institutlardan, ilm-fandan, kitobdan eng ko'p qo'rqadigan xalq — bizmiz.

Hech o'zimizni aybdor sezmaganmiz, hamma ayb davlatda, hech bo'lmasa, o'qituvchilarda bo'lgan. Ilm olishga

↓ **Achchiq, ammo ochiq gap**

"sharoit yo'q edi", muallimlar "dars o'tishni bilishmasdi".

"Hoy, baraka topkur! Hayot — o'zingniki, o'zingning kallang bor, birov ilm-ma'rifatni bu xumboshingga bolg'a bilan urib-joylashtirib qo'yamaydi, dardu kasaligga darkor bo'lsa, o'zing o'qi", deb aql bo'lmagan.

Aql bo'ladiganlarning o'zi...

Tevarakka qarang, ish degani tiqilib yotibdi, faqat ilm va hunar talab qiladigan ishlar. Lekin qani o'sha ilmi bor, hunari bor yoshlar? Ular tengqurlarining qancha qismini tashkil etarkin?

Ha, opa, bizda hali bir narsani o'z ixtiyori bilan qilish, degan ko'nikma yo'q, bizga majburiy ta'lim kerakkina emas, bu — shart hamdir aslida.

Iloji bo'lsa, hunar egallashniyam majburiy qilish kerak. Maktabni bitirayotgan o'quvchi 1-2 ta hunar o'rganmagan, 10-15 ta badiiy asar o'qimagan bo'lsa, shahodatnoma berish masalasini o'ylab ko'rish kerak, menimcha.

Biz — o'zimizcha odam bo'lmaydigan elga o'xshayapmiz...

Men bu gaplarni yuragim yig'lab yozmoqdaman, nahotki, sizning yig'lagingiz kelmasa...

Elmurod NISHONOV.



Bulung'ur tumanidagi avtomobil yo'llari yoqasida joylashgan maktablar oldidagi piyodalar o'tish joylariga haydovchilar xushyorligini oshirish, avtomobil tezligini pasaytirish maqsadida "O'quvchi" maketlari o'rnatildi.

Jomboydagi 6-umumta'lim maktabi hududiga xalq deputatlari tuman Kengashi deputatlari tomonidan 200 tup mevali va manzarali daraxt ko'chatlari ekildi.

Kattaqo'rg'on tumanida "Inson" ijtimoiy xizmatlar markazi ochildi.

Qo'shrabot tumani Boqi-chag'atoy qishlog'ining 1 kilometrlik yo'lga asfalt qoplamasi yotqizildi.

Oqdaryo tumanida tashkil etilgan "Bo'sh ish o'rinlari yarmarkasi"da 15 nafar fuqaroga ishga yo'llanma berildi.

Payariq tumanidagi Ernazar-qo'rg'on mahallasida 50 dona temir beton ustun o'rnatildi.

Past Darg'om tumanining Mustaqillik mahallasida 21 nafar, O'tarchi mahallasida 8 nafar yoshlarga 30 sotixdan yer maydonlari ijaraga berildi.

INVESTORLAR

huquqi qanday
himoya qilinadi?

Iqtisodiy globallashuv jarayonida investitsiya faoliyati iqtisodiy munosabatlarining muhim yo'nalishi hisoblanadi. Biroq shunday omil borki, usiz investitsiya faoliyatini rivojlantib bo'lmaydi. Ayniqsa, bugun xalqaro ziddiyatlar tobora avj olayotgan bir davrda mazkur omilga bo'lgan talab yanada ortmoqda. Anglaganingizdek, gap xavfsiz investitsiya kafolati haqida bormoqda. Xo'sh, bizda shunday kafolat bormi? Yurtimizda investorlarning huquqi qanday himoya qilinadi? Payariq tumani adliya bo'limi yuridik xizmat ko'rsatish markazi bosh yuriskonsulti Sultonbek Eshquvvatov savollarimizga javob berdi.

— O'zbekistonda investitsiya faoliyatini himoya qilish darajasi qay holatda? Inves-torlar qanday huquqlarga ega?

— Investitsiya faoliyatini himoya qilish tushunchasi keng ma'noga ega. Misol uchun, mazkur faoliyatni tartibga solish, rag'batlantirish, qo'llab-quvvatlash, uning uchun zarur muhitni yaratish, investorlar huquqini himoya qilish ham himoya shakli hisoblanadi. Yurtimizda bu yo'nalishda qator qonun hujjatlari qabul qilingan. O'zbekiston Respublikasining 2019-yil 25-dekabrda "Investitsiyalar va investitsiya faoliyati to'g'risida"gi Qonuni shular jumlasidan. Hujjat chet ellik hamda mahalliy investorlar tomonidan amalga oshiriladigan investitsiyalar va investitsiya faoliyati sohasidagi huquqiy munosabatlarni tartibga soladi.

Yurtimizda investitsiya faoliyatini tartibga solish davlat tomonidan amalga oshiriladi. Shu bilan birga, qonunda davlat organlari va ularning mansabdor shaxslari investitsiya subyektlarining qonunchilikka muvofiq amalga oshirilayotgan faoliyatiga aralashishga haqli emasligi ko'rsatilgan. Ular investitsiya faoliyati subyektlarining faoliyatida qonunchilik buzilganligini aniqlasagina, o'zi vakolatli bo'lgan va muayyan qoida-buzarlikni bartaraf etish bilan bevosita bog'liq choralarini ko'rishi mumkin. Shunga qaramay, agar mansabdor shaxslar qonunga xilof harakat (harakatsizlik) qilsa, investorga yetkazilgan zarar uchun tovon berilishi nazarda tutilgan.

Investorlar investitsiya muhiti bilan bog'liq ko'plab kutilmagan xatarlarga ham duch kelishi mumkin. Shu sababli investitsiyani, ayniqsa, chet el investitsiyalarini sug'urta qilish muhim ahamiyatga ega. O'zbekistonda xorijiy investitsiyalarni sug'urtalash tizimi 1994-yilda tashkil etilgan. Bundan tashqari, chet el investitsiyalari ni amalga oshirish bilan bog'liq munosabatlarning o'ziga xos xususiyatlari O'zbekiston Respublikasining xalqaro shartnomalari bilan ham tartibga solinadi. Agar O'zbekiston Respublikasining xalqaro shartnomasida O'zbekiston Respublikasining investitsiya faoliyati to'g'risidagi qonun hujjatlarida nazarda tutilganidan boshqacha qoidalar belgilangan bo'lsa, xalqaro shartnoma qoidalariga qo'llanadi.

Aytish joizki, mamlakatimizga kirib kelayotgan har bir investorning qonunlarimizga zid bo'lmagan investitsiya faoliyatini erkin amalga oshirishi hamda uning hajmi, turlari, shakllari, sohasi va yo'nalishlarini mustaqil belgilashi, o'z investitsiyalari va investitsiya faoliyati natijalariga egalik qilishi, shuningdek, investitsiya faoliyati natijalarini sotish va olib chiqish huquqi qonun bilan kafolatlangan. Davlat investitsiyalarning O'zbekiston Respublikasi qonunchiligiga va xalqaro shartnomalariga muvofiq himoya qilinishini kafolatlaydi.

— Bu investiyalarda majburiyatlar yo'q, degani emas...

— Albatta, huquq bor joyda majburiyat ham bo'ladi. Tegishli qonunning 11-moddasiga muvofiq, investor mamlakatimizda soliq va to'lovlarini to'lash, investitsiya shartnomasi majburiyatlarini bajarish, qonun talablari, texnika xavfsizligiga, sanitariya normalari va qoidalariga rioya etishga majbur. U shartnoma shartlarini bajarmaganligi yoki lozim darajada bajarmaganligi sababli investitsiya faoliyatini ishtirokchisiga zarar yetkazsa, uning o'rnini qoplashi kerak. Shuningdek, u vakolatli davlat boshqaruvi organlari va mahalliy davlat hokimiyati organlarining o'z vakolatlari doirasida qo'yadigan talablarini bajarishi shart.

— Chet el investorlarining O'zbekiston hududida bo'lish tartibi qanday? Ularga viza rasmiylashtirishda yengilliklar belgilanganmi?

— Chet davlatlarining fuqarolari bo'lgan investorlarga, shu jumladan, chet el investitsiyalari ishtirokidagi korxonalarning muassislariga O'zbekiston Respublikasida yashash guvohnomasi Prezidentimizning qarorlarida nazarda tutilgan shartlarda soddalashtirilgan tartibda beriladi.

Jumladan, Prezidentimizning 2019-yil 19-sentabrda 5833-farmoniga ko'ra,

O'zbekiston Respublikasidan chiqmasdan mudatini uzaytirish imkoniyati bilan "investitsiya vizasi"ni, ularning oila a'zolari (turмуsh o'rtog'i, ota-onasi va farzandlari) esa "investitsiya vizasi" amal qilish muddatiga mos ravishda "mehmon vizasi"ni olish huquqiga ega. Mamlakat tashqarisida bo'lgan chet ellik investorlarga "investitsiya vizasi" O'zbekiston Respublikasi Tashqi ishlar vazirligi tomonidan, mamlakatimiz hududida bo'lganlarga Ichki ishlar vazirligi tomonidan beriladi.

O'zbekiston Respublikasida yashash guvohnomasiga yoxud "investitsiya vizasi"ga ega bo'lgan chet ellik investorlar hamda ularning oila a'zolari mamlakatimiz hududida ishga joylashish, O'zbekiston Respublikasi fuqarolari uchun nazarda tutilgan teng huquqlar asosida tibbiy va ta'lim xizmatlaridan foydalanish, O'zbekiston Respublikasining ta'lim muassasalarida o'rta va oliy ta'lim olish huquqiga ega bo'ladi.

Yana bir muhim jihat, davlat organlari va ularning mansabdor shaxslari qoidabuzarlik mavjudligi faktidan investitsiya faoliyati subyektlarining investitsiya faoliyatiga bog'liq bo'lmagan boshqa qonuniy faoliyatiga aralashish yoki uni cheklab qo'yish uchun asos sifatida foydalanishi mumkin emas. Xususan, davlat investorlarning fuqaroligi, yashash joyi, iqtisodiy faoliyatni amalga oshirish joyi bilan bog'liq holda, shuningdek, investorlarning yoki investitsiyalarning kelib chiqish mamlakatiga qarab, investorlarni kamsitishga yo'l qo'yilmasligini kafolatlaydi.

— Tadbirkorlarga berilayotgan imtiyozlar haqida ko'p gapirildi. Investorlar-chi, ular uchun ham biror imtiyoz belgilanganmi?

— O'zbekiston Respublikasi "Investitsiyalar va investitsiya faoliyati to'g'risida"gi Qonunining 34-moddasiga muvofiq, investitsiya va investitsiya faoliyatini davlat tomonidan qo'llab-quvvatlash uchun qo'llaniladigan imtiyoz hamda preferensiyalar davlat mulki bo'lgan obyektlarni yoki ularga bo'lgan mulkiy huquqlarni imtiyozli yoki nolga teng xarid qiymati bo'yicha investorga berish, soliqlar va to'lovlar bo'yicha imtiyozlar berish, investitsiya loyihasini amalga oshirish uchun investor tomonidan olinadigan kreditlar bo'yicha foiz stavkalarini subsidiyalashni o'z ichiga olishi mumkin. Bu imtiyoz va preferensiyalar investitsiyalar hajmi, investitsiya loyihasi amalga oshiriladigan joyning shart-sharoitlari, kutilayotgan ijtimoiy-iqtisodiy samara va yangi ish o'rinlarini yaratish, investitsiya loyihasini amalga oshirish sohalari va tarmoqlariga qarab beriladi.

Ushbu moddaning birinchi qismida nazarda tutilgan investitsiyalarni va investitsiya faoliyatini davlat tomonidan qo'llab-quvvatlash uchun qo'llaniladigan preferensiyalar tegishincha Qoraqalpog'iston Respublikasi Vazirlar Kengashining, viloyatlar va Toshkent shahar hokimlarining qarorlari bilan, shu jumladan, munitsipal obyektlarga nisbatan Qoraqalpog'iston Respublikasi budjeti, viloyatlar va Toshkent shahar mahalliy budjetlari mablag'lari hisobidan berilishi mumkin.

To'g'ridan-to'g'ri xorijiy investitsiyalarni jalb etgan holda tashkil etilgan va tasdiqlangan ilovaga muvofiq, ro'yxat bo'yicha iqtisodiyot tarmoqlarida mahsulotlarni ishlab chiqarishga (xizmatlar ko'rsatishga) ixtisoslashtirilgan korxonalar quyidagi to'g'ridan-to'g'ri xususiy xorijiy investitsiya hajmlarida, O'zbekiston Respublikasi Soliq kodeksida belgilangan tartibda alohida soliqlar bo'yicha imtiyozlarni qo'llashning o'ziga xos xususiyatlari nazarda tutiladi:

- 300 ming AQSh dollaridan 3 million AQSh dollarigacha 3 yil muddatga;
- 3 million AQSh dollaridan 10 million AQSh dollarigacha 5 yil muddatga;
- 10 million AQSh dollaridan ortiq bo'lganda 7 yil muddatga.

Bundan tashqari, belgilangan talablarga mos keluvchi investorlarga bojxona bojidan ozod etish tarzidagi tarif imtiyozlari ham beriladi.

Asqar BAROTOV suhbatlashdi.

U yoki bu davlatda sodir bo'layotgan mojarolar, qonli to'qnashuvlar sababchilari qolib, ularning millatiga urg'u berilayotgani va o'sha millat vakillariga nisbatan nafratning oshkora aytilishi kundan-kunga kucha-yib bormoqda. Shu millat e'tiqod qiladigan dinga tosh otilishi, shubha ostiga olinishi, o'sha din vakillariga ishonchsizlik ham ro'y berayotgani fojia, tinchlik va totuvlikka, o'zaro ishonchga o't qo'yayotgan fojia.

Garchi, "terrorchining millati yo'q", "urush bir millatning fojiasi emas" kabi iboralar qayta-qayta ishlatilayotgan bo'lsa-da, hayotimizga nanotexnologiyalar kirib kelayotgan zamonaviy asrda millatlararo etikaning, jurnalistikaning qator qoidalariga qo'pol ravishda buzilmoqda. Xo'sh, bugun ham dunyoning qaysidir bir davlatida sodir bo'layotgan hujumlar haqida gapirayotib, jinoyatchining millati va dini eslatib o'tilishi nega bu qadar xavfli? Nega hamma bilgan qoidaga bu masalada amal qilinmayapti?

Poytaxtda ommaviy axborot vositalari vakillari uchun o'tkazilgan "Markaziy Osiyoda dinlararo va bir din ichidagi bag'rikenglik masalalarini yoritishda ommaviy axborot vositalarining o'rni" mavzuidagi xalqaro davra suhbat shu kabi masalalarni atroflicha muhokama etish uchun qulay maydonga aylandi. Qulayligi shundaki, unda o'zbekistonlik ekspertlar bilan bir qatorda, Qozog'iston, Tojikiston, Qirg'iziston-dan kelgan mediatrenerlar, olimlar, davlat va jamoat tashkilotlari vakillari ishtirok etdi. Anjumanning ochilish marosimida UCAIDning O'zbekistondagi missiyasi demokratiya va boshqaruv bo'yicha idorasi direktori Fey Xaselkorn, O'zbekiston jurnalistlarni qayta tayyorlash markazi rahbari Gulnora Bobojonova mazkur masalalarining bugungi kun uchun nec-hog'lik dolzarbligiga to'xtaldi.

- Namangan viloyatida, oddiy o'zbek oilasida tug'ilib, o'sganman, - deydi O'zbekiston Respublikasi Bosh prokurori o'rinbosari Svetlana Ortiqova. — O'tam o'zbek, onam ukrain millatiga mansub bo'lgani uchun hayitni ham, pasxani ham nishonlaganmiz. Kulichini ham, xayit oshini ham birday, bayramona tanovul qilganmiz. Ota-onalarimiz, bolalar o'rtasida u yoki bu din, millat vakillari kamsitilishini hech kuzatmaganmiz. Boshqa din, millat vakillariga do'stona munosabat aslida

Svetlana Ortiqova:

“Hayit oshini ham, kulichini ham bir dasturxon atrofida tanovul qilganmiz”



oilada boshlanib, butun jamiyatda, dunyoda hukm surishi lozim bo'lgan muhim jarayonlardan biri. Negaki, qonun ustuvor mamlakatda inson ko'nglidagi e'tiqodga daxl qilish ham taqiqlanadi. Mamlakatimizda keyingi yillarda diniy bag'rikenglik, millatlararo totuvlikni ta'minlash maqsadida 50 ga yaqin qonun hujjatlari, 40 dan ortiq qarorlar qabul qilindi. Bu masalada qator ijobiy o'zgarishlar ro'y berdi.

Garchi o'zgarishlar sodir bo'layotgan, mamlakatimiz diniy bag'rikenglik masalalarida xalqaro doiralarda e'tirof etilayotgan bo'lsa-da, bugun, hatto bir din ichidagi o'zaro kelishmovchilikka zamin yaratayotgan maxsus guruhlar ham borligi tashvishli. Deylik, ro'mol o'rash, soqol qo'yish, ko'p xotinlik kabi qator masalalarni qayta-qayta ijtimoiy tarmoqlarga olib chiqish, aholiga davlat idoralari xodimlarini salbiy bo'yoqda ko'rsatish kabi holatlar uchramoqda. Hatto ijtimoiy tarmoqlarda butun dunyo olimlarining nazariyasini tan olmagan holda yer tekis ekanligini islom dinining muqaddas Qur'on kitobi orqali isbotlashga urinayotgan va odamlarni ishonitirayotgan, eng qizig'i, kundan-kunga o'quvchilari soni ko'payayotgan guruhlar paydo bo'layotgani yanada tashvishlidir.

-Qirg'izistonda bir din ichidagi bag'rikenglik masalasida bir nechta aniq qadamlar tashlandi, - deydi Qirg'iziston milliy fanlar akademiyasi falsafa instituti ijtimoiy tadqiqotlar markazi katta ilmiy xodimi, siyosatshunoslik fanlari nomzodi Iqboljon Mirsayitov. — Birinchi navbatda biz ekstremizm yoniga diniy so'zini qo'llashni qat'iy taqiqladik. Qolaversa, maktablarda din tarixi fani kiritilib, mavjud barcha dinlar haqida

ma'lumot berilmoqda. Ta'lim muassasalarida o'quvchilar belgilangan maktab formasida kelishi tartibi yo'lga qo'yildi, faqatgina bosh kiyimi xalqimiz an'analariga mos bo'lishi belgilandi. Maktab o'quvchilarining jamoat ibodatlariga borishi taqiqlangan. Korxona, idoralarda ishlaydigan xodimlarga ibodat uchun sharoit mavjud. Davlat va din bir birining ishiga aralashmasligi kerak. Va har kim o'zi bilgan sohasi haqida gapirishi lozim. Hamma o'z diniga bema'lol e'tiqod qilishga haqli, ammo boshqalarni kamsitmasligi kerak.

- Boshqa dinlarga nisbatan toqatsizlik bu kecha yoki bugun paydo bo'lgan muammo emas, - deydi O'zMU jurnalistika fakulteti professori Yoqutxon Mamatova. — Ammo globalizatsiya, internet, bir axborot soniyalar ichida butun dunyoga tarqalayotgan paytda bu masala tashvishli oqibatlarini keltirib chiqarayotganiga qator misollarni keltirishimiz mumkin. Jurnalistlarning diniy bag'rikenglik va millatlararo totuvlik masalalarini zamonaviy multimedia vositalaridan foydalanish holda yoritishi ayniqsa, muhim. Turli terrorchilik harakatlari-ga oid yoki diniy terminlarni, albatta, mutaxassis bilan maslahatlashgan holda ishlatish kerak. Birinchi navbatda o'zi bu masalada savodxon bo'lishi juda zarur.

Konferensiya davomida shuningdek, ko'p madaniyatli jamiyatda din, jamoatchilik va konfessiyalararo mu-loqotning o'rni, diniy mavzularni yoritishda axloqiy me'yorlar va xalqaro standartlar va boshqa ko'plab mavzular bo'yicha fikr almashildi, Markaziy Osiyo davlatlari tajribasi o'rganildi, amaliy sessiyalarda bilimlar mustahkamlandi.

Gulruh MO'MINOVA, "Zarafshon" muxbiri.

Mahsulot sifatsiz bo'lsa...

O'zbekiston texnik jihatdan tartibga solish agentligining Texnik jihatdan tartibga solish, standartlashtirish, sertifikatlashtirish va metrologiya sohasida davlat nazorati departamenti viloyat mutaxassis-lari tomonidan 2023-yil davomida tadbirkorlik subyektlarida 350 ga yaqin profilaktik tadbirlar o'tkazildi.

Huquqbuzarlik sodir etilishining oldini olishga qaratilgan bunday tadbirlarda oziq-ovqat, to'qimachilik, qurilish, mashinasozlik, kimyo, charm, elektrotexnika, neft-gaz, xizmat ko'rsatish va boshqa sohalardagi tadbirkorlarga qonunchilikdagi yangiliklar, talablar tushuntirildi. Jumladan, yil boshidan buyon 150 ta tadbirkorlik subyektida qonunchilik buzilishining oldini olishga qaratilgan profilaktik tadbirlar amalga oshirilmogda.

2023-yilda 9 ta davlat nazorati tekshirishlari o'tkazilgan. O'rganishlarda 15 turdagi mahsulotdan 10 turdagi qurilish va 3 turdagi oziq-ovqat mahsuloti amaldagi texnik reglament va standart talablariga nomuvofiqliqi aniqlandi. Tekshirishlar natijalari bo'yicha mas'ullarga nisbatan ma'muriy ish qo'zg'atilib, sudga yuborildi.

2024-yilning yanvar-fevral oylarida kelib tushgan murojaatga asosan, 2 ta chakana savdo faoliyati bilan shug'ullanuvchi tadbirkorlik subyektida tekshirish

o'tkazildi, import orqali keltirilgan 14 turdagi oziq-ovqat va 2 turdagi mahalliy mahsulotning sifati texnik reglamentlar va standart talablariga nomuvofiqliqi aniqlandi.

O'rganishda savdo zallarida realizatsiya qilish maqsadida

19 turdagi yaroqlik muddati o'tgan mahsulotlar saqlab kelinayotganligi aniqlanib, ushbu mahsulotlarni savdodan olish va qonunchilik talablariga muvofiq yo'q qilish bo'yicha bajarilishi majburiy bo'lgan ko'rsatmalar berildi. 2 nafar mansabdorga nisbatan ma'muriy ish qo'zg'atilib, sudga yuborildi.

Parviz SHAVKATOV, Davlat nazorati departamenti Samarqand hududiy inspektori.



BU FAKT!

108,6	Urgut
108,0	Toyloq
109,9	Pastdarg'om
110,2	Jomboy
110,6	Kamag'org'on sh.
120,2	Samarqand sh.

Statistik boshqarmasi ma'lumotiga ko'ra, joriy yilning yanvar-fevral oylarida kichik biznes va xususiy tadbirkorlik subyektlarining chakana savdo tovar aylanmasi 3 705,8 milliard so'mni tashkil etib, 2023-yilning mos davriga nisbatan 10,1 foizga oshdi. Viloyat miqyosida ushbu sektorning jami chakana savdo tovar aylanmasidagi ulushi 84,2 foizni tashkil etdi.

Past Darg'om tumani Qora-g'uppa mahallasi ahli mebelsozlik bilan shug'ullanadi. Bugun ular tomonidan tayyorlanayotgan mebellar sifati va dizayni bilan xaridorgir bo'lib, Samarqand, Toshkent, Buxoro, Navoiy, Jizzax viloyatlariga sotilmoqda. Tuman hokimligi tomonidan tashkil etilgan press-turda jurnalistlar mahallada bo'lib, mebelsozlik sexlari bilan tanishdi.

- Mebel sifatli mahsulotdan yasalsa, odamlar undan ancha yil foydalanadi, - deydi "Mehrbel" oilaviy korxonasi rahbari Nabi Ishnayev. - Masalan, biz stullarni yong'oq yog'ochidan yasaymiz. Yong'oq daraxti ko'p yillik o'simlik bo'lgani uchun yog'ochi zich va mustahkam bo'ladi. Yog'ochga suv sachrasa ham shishib ketmaydi, undan yasalgan mebellar ancha yilga xizmat qiladi.

Tadbirkorning aytishicha, dastlab u qashqadaryolik ustadan mebelsozlikni o'rganib, mahallada shu kasbi ortidan mehnat qilgan. 2010-yilda ishchi olib, kasbini mahalladoshlariga ham o'rgatgan. Bugun Nabi Ishnayevning oilaviy korxonasida 75 nafar ishchi 40 dan ortiq turdagi mebellarni yasamoqda. Korxonaning yillik ishlab chiqar-



Mahallada 104 ta xonadon mebelsozlik bilan shug'ullanadi

rish hajmi 12,1 milliard so'mni tashkil etadi. Korxona yaqinda faoliyatini kengaytirish maqsadida umumiy qiymati 18,1 milliard so'mlik qo'shimcha loyihani amalga oshirmoqda.

- Mahalla hududidan tadbirkorlar uchun 2,5 gektarlik maydonda kichik sanoat zonasi tashkil etilyapti, - deydi mahalladagi hokim yordamchisi Jo'rabek Ro'ziboyev. - Bu yerdagi qurilish ishlari bir oy ichida yakuniga yetadi. So'ngra kichik sanoat zonasida mebelsozlik korxonalari ish boshlaydi.

Bu korxonalarga 500 nafar yangi ishchi qabul qilinadi. Dastlab mebelsozlar tomonidan yoshlarga kasb o'rgatiladi, so'ngra ishga olinadi.

Bugun mahallada 104 ta xonadon mebelsozlik bilan shug'ullanadi. Bir nafar ishchi bir kunda 200-300 dona mebelning butlov qismlarini ishlab chiqarib, bir oyda 4,5-6 million so'mgacha ish haqi oladi. Bir oila esa bir oyda 10-12 million so'm atrofida daromad topadi.

Xurshida ERNAZAROVA.

Viloyat ichki ishlar boshqarmasi faxriylar kengashi a'zolari Toyloq tumanining Uzun qishlog'ida yashovchi mehnat faxriysi, iste'fodagi kapitan Hasan Huseynovning xonadonida bo'lib, hamkasbining holidan xabar olishdi.

- Xasta yotganida kishi har qanday e'tibor va g'amxo'rlikdan quvonar ekan, - deydi H.Huseynov. - Ayniqsa, sen uzoq yillar ishlagan mehnat jamoasi, hamkasblaring so'roqlab kelgani yanada ahamiyatli. Hamkasblarim, shogirdlarim muntazam men bilan bog'lanib, hol so'rashadi, maslahatlashishadi.



REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Xotamov Ortikga (1995-yil 20-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Yusupova Dil-sura Hasanovna notarial idorasida marhum Sxovrebov Yuriy Grigoryevichga (2023-yil 20-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dil-sura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Amonov Naimga (2023-yil 21-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Mustafakulov Abduxalilga (2018-yil 7-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Jomboy tumanida xususiy amaliyot bilan shug'ullanuvchi notariuslarda marhum Quchoqorov Nurulloq (2001-yil 7-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jomboy tumanida xususiy amaliyot bilan shug'ullanuvchi notariuslarga murojaat etishlarini so'raymiz.

Samarqand shahrida xususiy amaliyot bilan shug'ullanuvchi notarius Qurbonov Rustam Rahimqulovich notarial idorasida marhum Xolikov Mamatkulga (2012-yil 18-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qurbonov Rustam Rahimqulovich notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 41/100-uy.

Samarqand shahrida xususiy amaliyot bilan shug'ullanuvchi notarius Nurqosimov Jamshid Sayfiddinovich notarial idorasida marhum Zaripov Ikram Xaidarovichga (2023-yil 13-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nurqosimov Jamshid Sayfiddinovich notarial idorasiga murojaat etishlarini so'raymiz.

Manzil: Samarqand shahri Panjob ko'chasi, 4-uy.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahrillovna notarial idorasida marhum Soliyev Ochlilga (2011-yil 19-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahrillovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 17-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Volodchenko Mixail Nikolayevichga (2024-yil 16-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Qodirova Mavluda Turanboyevna notarial idorasida marhum Ataboyeva Difuza Qaharovnaga (2022-yil 15-avgustda vafot etgan) tegishli mol-mulk uchun meros ishi ochilmoqda. Shu munosabat bilan



merosxo'rlarning Qodirova Mavluda Turanboyevna notarial idorasiga murojaat etishlarini so'raymiz.

Manzil: Samarqand shahri Farhod ko'chasi, 34-uy.

Samarqand shahrida xususiy amaliyot bilan shug'ullanuvchi notarius Nishonova Umida Ismatillayevna notarial idorasida marhum Rizayev Kosim Kazimovichga (2002-yil 29-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nishonova Umida Ismatillayevna notarial idorasiga murojaat etishlarini so'raymiz.

Manzil: Samarqand shahri Rudakiy ko'chasi, 132-uy, 2-xona.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Koshkin Aleksandr Ivanovichga (2014-yil 9-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Radjabov Tuychiga (2023-yil 23-mayda vafot etgan) tegishli mol-mulk uchun meros ishi ochilmoqda. Shu munosabat bilan

Naqshlarda hayot nafasi

Samarqand hunarmandchiligi va amaliy bezak san'ati o'ziga xos jimjimador bezaklari bilan azaldan xaridorgir bo'lib kelgan. Usta hunarmandlar har bir buyum ustida astoydil ishlagan. Bunday qadimiy buyumlarni muzeylar ekspozitsiyalari va ba'zi shaxsiy kolleksiyalarda ko'rishimiz mumkin.

Samarqand davlat muzey-qo'riqxonasi-niing etnografiya va moddiy yodgorliklar fondida O'zbekiston amaliy bezak san'atida yetakchi o'ringa ega bo'lgan mashhur rassomlarning, usta hunarmandlarning nodir asarlari saqlanib keladi. Ular orasida samarqandlik naqqosh Abdullo Muhammad-iyev tomonidan chinnilarga, sopol buyumlarga va matolarga ishlangan amaliy bezak san'ati buyumlari diqqatga sazovor.

Naqqosh usta Abdullo Muhammadiyev 1924-yil 9-aprelda Samarqand shahrida tug'ilgan. U maktab chog'laridanoq qadimiy hunarmandchilik sirlarini o'rganishga ishtiyoqmand bo'lib, naqshlar chizishga, idishlarni bezashga harakat qilardi. A.Muhammadiyev o'z izlanishlari davomida ranglarni tayyorlash, rang bilan ishlash jarayonini chuqur o'rgandi. Ikkinchi jahon urushi davrida Moskvadagi badiiy bilim yurti Samarqandga ko'chib keladi. Yosh usta ana shu bilim yurtining keramika bo'limida tahsil oldi va buyumlarga naqsh solish sirlarini o'zlashtirdi. Keyinchalik Toshkentdagi P.Benkov nomidagi rassomlik badiiy bilim yurtida o'qidi.

U 1951-1959-yillarda Samarqanddagi ta'mirlash ustaxonasida faoliyat olib borgan davrida Samarqand, Buxoro, Toshkent, Xorazm va Shahrisabzdagi me'morchilik obidalarini ta'mirlashda faol ishtirok etdi. Toshkent kulolchilik, keyinchalik Samarqanddagi kulolchilik artelida faoliyat yuritib, sopol buyumlarga turli naqshlar solish bilan shug'ullandi. Ayniqsa, Samarqandda usta Umar Jo'raqulov bilan ishlagan davrda tajribasi oshib, mohir kulollar, chinnipazlar bilan birgalikda yuzga yaqin naqsh turlarini yaratadi.

U ayniqsa, kulolchilik va chinnisozlikka mehr qo'ydi, ko'p vaqtini chinni va sopol buyumlarga naqsh chizishga sarfladi. Tini-msiz izlanishlari davomida "Tinchlik kabu-tari", "Samarqand minorasi", "Toshkentcha naqsh", "Islimiy", "Yulduz", "Paxta" kabi o'nlab nusxalar yaratdi va chinni idishlarni bezadi.

1971-1973-yillarda Samarqand chinni



zavodida ishlab, buyumlarga naqsh chizish bo'yicha ko'plab shogirdlar ham tayyorladi. Usta naqqosh nafaqat chinni va sopol buyumlar, balki matolarga so'zana nusxalar naqshini chizish bilan ham shug'ullandi. Uning bir nechta so'zana nusxalari chizilgan mato pannolari Samarqand davlat muzey-qo'riqxonasining etnografiya va moddiy yodgorliklar fondida saqlanadi. Bundan tashqari, hujjatlar fondida A.Muhammadiyev tomonidan ishlangan naqshlar eskizlari to'plangan albom ham mavjud. Unda usta naqqosh tomonidan yaratilgan va keng qo'llanilgan naqsh elementlari aks etgan.

Joriy yil O'zbekiston madaniyati tarixi davlat muzeyida naqqosh usta Abdullo Muhammadiyev tavalludining 100 yilligi munosabati bilan rassom tomonidan ishlangan amaliy bezak san'ati buyumlarini keng targ'ib qilish maqsadida "Naqshlarda hayot nafasi" nomli ko'rgazma tashkil qilinmoqda.

Safura RO'ZIMUROTOVA,
Samarqand davlat muzey-qo'riqxonasi san'at bo'limi mudiri.

MINNATDORMAN!

Nafaqadaman, yoshim oltmish beshda. Yaqinda sog'ligimdagi o'zgarish sabab Samarqand shahridagi "Zarmed proktisha" klinikasiga keldim. Tahlillardan so'ng menda urologik xastalik aniqlandi. Jarrohlik amaliyoti o'tkazish lozimligi ma'lum bo'ldi. Tajribali shifokorlar endo-urolog Kamron Nasriddinov, vrach-urolog Ixtiyor Allaberdievlarining bilimi, tajribasi, to'g'ri olib borgan muolajalari tufayli kasallikdan forig' bo'ldim, salomatligim yaxshilandi.

Bu darddan forig' bo'lishimda mendan o'z maslahati va amaliy yordamini ayamagan shifokorlar Kamron Nasriddinov, Ixtiyor Allaberdiev, hamshiralar va klinika ma'muriyati hamda barcha xodimlaridan juda minnatdorman. Sizlarga mustahkam sog'liq, mashaqqatli ammo sharaflil kasbingizga omad tilayman. Ilohim, qo'lingiz dard ko'rmasin.

Safar SHOG'DOROV,
Payariq tumani.



rosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Past Darg'om tumanida xususiy amaliyot bilan shug'ullanuvchi notarius Hakimova Igora Hikmatovna notarial idorasida marhum Axmedov Turakul Kuchkarovichga (2018-yil 9-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Hakimova Igora Hikmatovna notarial idorasiga murojaat etishlarini so'raymiz.

Manzil: Past Darg'om tumani Juma shaharchasi, Nodirabegim ko'chasi.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Gafurova Kunduz Irgashyevnaga (2018-yil 4-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Moroz Valentina Aleksandrovna (2004-yil 24-martda vafot etgan) tegishli mol-mulk uchun meros ishi ochilmoqda.

Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Samarqand shahrida xususiy amaliyot bilan shug'ullanuvchi notarius Rahmonov Sarvar Ne'matilloevich notarial idorasida marhum Voxmyanin Vasilyi Georgiyevichga (2014-yil 12-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahmonov Sarvar Ne'matilloevich notarial idorasiga murojaat etishlarini so'raymiz.

Manzil: Samarqand shahri Gagarin ko'chasi, 60-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Suyunova Olga Karvonovnaga (2022-yil 26-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

BEKOR QILINADI

Urgut tumanidagi "FAROVON INVESTOR PLUS" mas'uliyati cheklangan jamiyatining (STIR: 307255025) dumaloq muhri va burchak tamg'asi yo'qolganligi sababli bekor qilinadi.

↓ **Mulohaza uchun mavzu**

Vaqtdan unumli foydalanish, uni aniq maqsad sari yo'naltirish kun tartibi, ish rejasi evaziga fursatni barakali qilish har birimizning o'z qo'limizda. Har birimiz vaqtimizni to'g'ri taqsimlab olishimiz zarur. Ko'pchilik mashhur insonlar kechqurun ertangi kun uchun reja tuzib olishgan. Biror daqiqa bekorga ketmagan.

Vaqtdan unumli foydalanyapsizmi?

Xo'sh, bugun-chi? Odamlar vaqtlarini qanday taqsimlamoqda? Ular o'z qimmatli vaqtlarini nimalarga sarflayapti? Bolalar bo'sh paytlarida nima bilan mashg'ul?

Zamon tez rivojlangan sari barcha sohalarda turli qurilmalar kashf qilinmoqda. Ayniqsa, hayotimizni aloqa vositalarisiz tasavvur qilish qiyin. Qayerga qaramang, qo'llarida turli rusumdagi telefonlarni ko'tarib yurgan yoshlarni ko'rasiz. Ularning aksariyati esa o'sha ma-tohdan boshini ko'tarmaydi. Hatto 2-3 yoshli bolalar ham telefonni ko'rsa, yig'idan to'xtayapti. Atrofingizdagilar yosh bolalari va nabiralari telefon so'rab, bezor qilishidan shikoyat qilishadi.

- Nabiram telefonga mukkasidan ketgan, - deydi oqdiyolik Jo'raqul aka. - Bermasangiz yig'laydi, injilik qiladi. Uch yoshli bola televi-zordagi multfilmlarning o'rniga telefonda «Yo-tube», «Tik-tok» kabi dasturlarni topib olib, to quvvati tugagunicha tomosha qiladi. Bir nechta o'yinlarni o'ynashni biladi. Uni qanday qilib bu yo'ldan qaytarishni bilmayapman.

Ayrimlar buni ijobiy qabul qiladi, bolaligidan gadjetlar bilan ishlashni o'rganib olsa, hayotda qiynalmaydi, deyishadi. Ammo salomatlik-chi? Uyal aloqa qurilmalari inson salomatligiga ayniqsa, bolalarning sog'lom bo'lib o'sishiga salbiy ta'sir ko'rsatishi shubhasiz.

Kattalar-chi? O'zimizning qo'limizdan telefon tushmagandan keyin bolalardan nima kutamiz.

- Yaqinda mashhur bir xonandaning yubiley konsertiga tushdim, - deydi hamkasblarimdan biri. - Zo'rg'a chipta topib kirdik. Tashqarida qolib ketganlar anchagina edi. Ishonsangiz, yonimda o'tirgan bir yigit konsertning boshidan oxirigacha telefonda boshqa bir xonandaning qo'shiqlarini eshitib o'tirdi. Falon pulga bilek olib, qimmatli vaqtini ajratib, konsertga kirsayu, miriqib xordiq chiqarish o'rniga telefon kovlab o'tirsa, g'alati tuyularkan.

AQShlik shifokorlar mobil telefonlar or-ganizmdagi "uxlab yotgan" turli kasalliklarni ko'zg'ashidan tashqari, ularning kelib chi-qishiga ham sabab bo'lishini isbotlashibdi. Ayniqsa, yosh bolalarda miya saratonini keltirib chiqararkan. Telefonni ko'p o'ynash natijasida



ulardagi bezovta-langan miya ruhiy holatga salbiy ta'sir o'tkazadi. Soatlab mashg'ul bo'lgani-dan hatto och qol-ganini ham sezmay, oshqozon kasalligiga chalinadi. Ko'z ka-salligi haqida aytmay qo'ya qolay.

Yaqinda bir fermer tanishim «endi, qo'lida telefoni bo'lganlar-ni ishga olmayman», deb qoldi. Negalgini so'rasam, juda qiziq javob berdi. Ertalab ikki

nafar ishchisini dalaga jo'natsa, ekinlarga suv bostirib yuboribdi. Ikkalasi ham telefonda o'yin o'ynab vaqtida suvni yopishni unutgan ekan. Yoki traktorchi telefondagi o'yinga chalg'ib, katta ariqqa tushib ketibdi.

Yana bir hamqishlog'imiz o'z qizini bir sav-do firmasiga hisobchi qilib ishga qo'yg'an ekan. Bir oy o'tmasidan ishdan bo'shatib yubori-shibdi. Otasi borib sababini so'rasa, qizi ish o'rganish o'rniga telefondan bo'shamas ekan. Qachon qarasa, «Tik-tok»da yoki «Instagram»-da o'tirar ekan, hatto tushlik vaqtida ham.

Bugun eng chekka mahalla va qishloqlar-da qurilgan mini stadionlarda futbol, voleybol, basketbol kabi sport turlari bilan shug'ullanish mumkin. Kutubxonalarda o'tirib, kitob o'qib, bilimdonlar bellashuviga qatnashib, mashinali bo'layotganlar bor. O'z aqli bilan «Zakovat» o'yinlarida ishtirok etib, g'olib bo'layotganlar kammi? Lekin telefon va internetda turli o'yin-larga mukkasidan ketib, qimmatli vaqtini besa-mar o'tkazayotganlar ham afsuski juda ko'p.

Vaqtimda baraka bo'lsin deganlar, kun tartibi tuzib, unga amal qilishi lozim. Ishlarini reja asosida qilishi kerak. «Ish boshi – inti-zom», deb bejizga aytilmagan. Tartib-intizom bo'lgan joyda muvaffaqiyat bo'ladi. Shuning uchun o'zingizga kunlik, haftalik, oylik rejalar tuzib oling. Rejalarga imkon qadar amal qiling, mabodo biortasi amalga oshmay qolsa, keyin-gi kundagi rejalarga zarar yetkazmagan holda qoldirilgan ishingizni amalga oshiring. Yo'qsa, maqsadga erishib bo'lmaydi.

Siz-chi, o'z vaqtigingizni qanday o'tkazyap-siz?

Dilmurod TO'XTAYEV.

Halovatdan voz kechib halovat topgan ayol

Ba'zida hamkasb yoki do'stlarimizga ta'rif berganda, beixti-yor fidoyi inson, deb yuboramiz. Ammo bu ta'rifga haqiqatan ham munosib insonlar haqida gap ketar ekan, unga albatta, izoh kerakligini his qilamiz. Sharofat To'xliyevaning fidoyi ayol ekanligini nafaqat hamkasblari, balki talabalar, jamoat tashki-lotlari vakillari ham e'tirof etishadi.

Sharofat Bektasheva desa viloyat-da tanimaydigan odam kam u kishini. Necha yildirki u kishi xotin-qizlar qo'mi-talari bilan yaqin hamkorlikda ishlab, fidoyiligi, tinib-tinchimasligi, talabchanli-gi tufayli el orasida obro' topdi, kattayu kichikning hurmatiga sazovor bo'ldi.

Sharofat To'xliyeva 1954-yilda Tosh-kent shahrida tug'ildi, shu maskan-da ustozlaridan ta'lim-tarbiya oldi va 1976-yilda Toshkent davlat chet tillar pedagogika oliygohi talabasi bo'lish barobarida dastlab Boyovut tumanidagi 1-maktabda fransuz tilidan saboq berdi, 1978-1980-yillarda esa Toshkent shahar Chilonzor tumaniga qarashli 200-mak-tabda o'z faoliyatini davom ettiradi.

Shundan so'ng Sharofat Bektosheva o'z hayotini qadim va hamisha navqiron Samarqand shahri bilan bog'ladi. Bu yerda u Samarqand davlat universiteti fakultetlararo kafedrasida o'qituvchisi, ke-yinchalik katta o'qituvchi, dotsenti, hozir-da esa universitet xotin-qizlar va gender tengligi masalalari bo'yicha maslahatchisi lavozimida faoliyat ko'rsatib kelmoq-da. Darvoqe, ilgama bo'lgan intilish bois Sh.To'xliyeva 1994-yilda Toshkent davlat jahon tillari universiteti qoshidagi ixtisos-lashgan kengashda nomzodlik dissertat-siyasini muvaffaqiyat bilan himoya qildi. Universitet rektorining xotin-qiz-

lar masalalari bo'yicha maslahatchisi lavozimida faoliyat yuritgan chorak asrdan ko'proq vaqt davomida nafaqat jamoamizda, Samarqand shahri, viloyat va hatto mamlakatimiz miqyosida o'tka-ziladigan barcha ma'naviy-ma'rifiy, ba-diiy-ko'rgazmali tadbirlarda shogirdlari, talaba-qizlar bilan faol ishtirok etdi.

Ustoz Sh.To'xliyeva universitet xo-tin-qizlari faoliyatiga alohida e'tibor qarat-gan holda ular uchun zarur shart-sha-roit yaratish, ijtimoiy-iqtisodiy jihatdan qo'llab-quvvatlash, gender tenglikka er-ishish kabi masalalarda namuna ko'rsat-di. Tinmay mehnat qilish bilan birga bilim va ko'nikmalarini muntazam ravishda oshirib bordi. Natijada universitet rektorining xotin-qizlar masalalari bo'yicha maslahatchisi sifatida katta obro'-e'tibor topib, chin ma'noda ulkan salohiyatga ega jamoaning hurmatini qozondi.

Sharofat Bektosheva hech mah-al rahbarman, deya qo'l qovushtirib o'tirmaydi, xotin-qizlar masalasi bilan bog'liq eng kichik yumushni ham may-da ish hisoblamaydi. Har bir masalaga izlanib, butun kuchini sarflab yonda-shadi, shunchaki ishlashni o'ziga ep ko'rmaydi.

Ustoz namunali oila bekasi, to'rt na-far farzandning mehribon onasi, o'ndan ortiq nabiraning suyuqli buvisi. Mehnat-

↓ **Yonimizdagi odamlar**

lari atrofdagilarning hurmati barobarida «Oliy ta'lim a'lochisi», «Mo'tabar ayol», I darajali "Me'nat faxriysi" ko'krak nis-honlari bilan yanada qadr topdi.

Bir ayol uchun bundan ortiq baxt bormi, deyish oson. Ammo bunday baxtga erishish kishidan halovatsiz kunlar, tinimsiz izlanishni taqozo etadi. Sharofat Bektosheva hozir ham halo-vat bilmaydi, goh talabalar turarjoyidan xabardor bo'lsa, goh olimalar holidan xabar oladi, kiyinishidan tortib, muoma-lasigacha barchaga ibrat bo'lib kelmo-qda. Umringiz uzun va saodatli bo'lsin, ustoz!

Tanzila MAJIDOVA, Sh. Rashidov nomidagi Samarqand davlat universiteti geografiya va ekologiya fakulteti dekanining xotin-qizlar va gender tenglik masalalari bo'yicha maslahatchisi.

↓ **Ibratli hikoyalar**

qa yirtqichlardan himoya qiladi. Bir vahshiy yirtqich qo'shnichilik haqiga shunchalik rioya qilsa-yu, men aqli inson do'stlikka nega xiyonat qili-shim kerak? Axir biz aqli jonzotmiz, biz qo'shnichilik haqini goho mana shunday yirtqichlardan o'rgansak bo'ladi.

Ha, azizlar! Qo'shnichilik haqi ulug', chunki qo'shni yaxshi va yomon kunlaringizda doimo yoningizda yelkadosh bo'ladi. Ba'zi musibat kunimizda uzoqdagi qarindoshimiz yetib kel-gunicha qo'shnimiz yonimizda bo'ladi. Moddiy va ma'naviy yordam beradi. Shu bois, qo'shnichilik haqiga rioya qilishimiz lozim. Qiymatda yaxshi yoki yomonligimizni qo'shnidan so'rashar ekan...

Ozodlik nelingin bo'rida ko'rgin, Undan hamiyatu mardlikni so'rgin. Ajabki, qo'shnilik hurmatin qilar, Yovuz nafs amridan o'zini tiyar.

“Qasamini buzgan qiz” kitobidan.



Hurlik

Muhammad degan bir do'stim tog'da yashaydi. Yaqinda unikiga mehmonga bordin. U bilan texnikumda birga o'qiganmiz. Qo'ylari ko'p. Ularni tong sahardan qir-adirlarga hayday-di. Musaffo tong havosida qo'ylarini yaylovda aylantirib boqadi.

Kechni ovqatni tanovul qilish payti bo'rining uvillagan tovushi o'tovga yaqin yerdan eshitildi. Do'stim bo'rining uvillashidan zarracha tashvish chekmay, bemalol o'tirardi. Tongda unga qo'shilib, men ham qo'y boqishga chiqdim. Qo'ylarni haydab bir oz yurganimizdan so'ng adirida bir bo'rini ko'rib qoldim. Qo'zidek o'ljasini tishlab, yelkasida ko'tarib borardi.

- Qarang, qarang, bo'ri! Uni otish kerak, miltig'ingizni bering, qochib ketmasin, - dedim. Do'stim bo'lsa, xotirjamlik bilan:

- Aslo! Bu bo'ri qo'shnim bo'ladi. Bo'ri yirtqich bo'lsa-da, qo'shnichilik haqini yaxshi biladi. Shu bois biror marta bo'lsa-da, qo'ylarimga hujum qilgani yo'q. Ovni boshqa joydan qilib, bolalarini boqadi. Hatto qo'ylarimni bosh-

ni so'ndirgan.

- Akrom do'stimiz-chi? - suhbatga qo'shildi o'rtog'im Dilshod. - Maktabda biologiya va kimyo fani bo'yicha undan o'tadigani yo'q edi. Hamma uning shifokor bo'lishiga ishonardi. Barcha o'qituvchilarning undan umidi juda katta edi. O'sha paytdagi oliy ta'lim muassasalariga kirishda "shpargalka"dan foydalanish, biroving o'rniga birov imtihon topshirishi va boshqa shu kabi qing'ir ishlar tufayli tibbiyot institutiga dav-lat granti asosida o'qishga kirolmagan. "Kontrakt"da o'qish esa qiyin edi.

- Eslargingdami? - dedi do'stim lhom. - Bir qop un topish uchun bir oy qora mehnat qilardik. Aynan biz mak-tabni bitirayotgan paytda go'shtni qo'ya turing, nonga pul topish muammo edi. 3 oylik yozgi ta'til paytida ukam bilan Jizzax viloyatida, bir rais buvanikida loylandaqda ishla-ganmiz. Ikkovlon 3 oy davomida qiyinlab topgan pulimiz 500 kilo bug'doyga yetgan. Uni tegirmondan un qilib chiqarib kelganmiz. 50 kilosini tegirmonchi xizmat haqiga olib qolgan. O'lada ko'pchilikmiz. Qishdan chiqib olish uchun yana shuncha bug'doy kerak bo'lgan. O'qishga ketsak, yudagilar qiyinlab qolishini o'ylaganmiz.

- Xullas, har biringizning otangiz o'qishga intiluv-chan, kitobxon bo'lgan, - dedim bolalarga. - Bugun esa o'zlarining armonga aylangan orzularini siz farzand-lari orqali ro'ybogga chiqarishga intilyapti. Mana, har biringiz qo'shimcha to'garaklarga boryapsiz. Sizdan faqat o'qish talab qilyinapti. Har qanday kishida qobili-yat, iste'dod bo'ladi, uni rivojlantirish uchun esa harakat qilish kerak, xolos. Hozir yoshimiz 40 dan oshgan, ammo hech birimiz o'qishdan, izlanishdan to'xtagani-

Mardikor emas, olim bo'lasan deng

Qishloqda 5-6 nafar sinfdosh do'st tez-tez yig'ilib turamiz. Bu qadrdonlarning ayrimlari oliy ma'lumotli bo'Imasa-da, qo'lida hunari bor, shuningdek, kitob-ga mehr qo'ygan. Kimnikida to'plani-shimizdan qat'i nazar, dasturxon oddiy-gina bo'ladi. Har kim topganini qo'yadi. Ahamiyatlisi, dasturxonda spirtili ichim-liklar bo'Imaydi. Suhbat mazmunli o'tadi.

Ba'zida farzandlarimizning ham bir-birlari bilan tanishishlari va oqibatli bo'lishlarini istab, oilaviy tad-birlar tashkil etamiz. Ammo shu paytgacha bolalarni yig'ib, ularning kelajakdagi orzu-umidlari haqida so'ra-magan ekanmiz. Yaqinda o'tkazilgan ana shunday do'stlar uchrashuvida farzandlarimizning maktabda o'qiydiganlarini bir joyga to'plab, har birining qiziqish-lari haqida so'radik. Ular kelajakda qaysi kasb egasi bo'lishni istayotgani, ayni paytda qaysi to'garaklarga qatnab, vaqtini nimalarga sarflayotgani xususida gapirib berdi. Qiziqqonligim tufayli ularga o'tilgan darslaridan birin-ketin savol bera boshladim. Javoblar esa meni qo-niqirtiradi. Ammo ularning o'qishga, ayniqsa, ingliz tilini o'rganishga bo'lgan qiziqishi borligi meni quvontirdi.

Bir o'rtog'im davlat tashkilotlarida ishlayotgan do'st-larimiz haqida iliq so'zlar aytib, agar vaqtini behudaga sarflamasdan ko'proq kitob o'qisa, ular shu amakila-ridek bo'lishini aytdi.

- Masalan, Akmal oliy o'quv yurtida o'qimagan



bo'lsa ham birovdan kam emas, - dedim. - Qo'lida hunari bor. Vaqtida juda yaxshi o'qigan. Turizm kolleji-ni tamomlab, Samarqand davlat arxitektura va qurilish institutiga shartnoma asosida o'qishga qabul qilin-gan. O'sha paytdagi iqtisodiy qiyinchiliklar tufayli o'qiy olmagan. Kollejni bitirganlarga esa ish topish oson bo'lmagan. Shundan so'ng pul topish ilinjida xorijga ketgan. O'sha paytdagi qiyin sharoit ko'pgina yoshlar-ning orzusini chippakka chiqargan. Qobiliyatini, shashti-

MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 12 808 nusxada chop etildi. Buyurtma 180. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ

bosmaxonasida chop etildi.

Korxona manzili: Samarqand shahri, Spitamen ko'chasi, 270-uy.

Bosishga topshirish vaqti:

soat 18:30 da.

Bosishga topshirildi:

soat 19:00

Navbatchi muharrir:

G'.HASANOV.

Navbatchi:

T.SIDDIQOV.


Sahifalovchi:

B.ABDULLAYEV.



Saytimizga o'tish uchun QR-kodini telefoningiz orqali skaner qiling

ISSN-201667X



9 1772010667009

Sotuvda narxi kelishilgan holda

